



# Veng Chhung H/S Pathum aţangin mi 59-in Matric Pass

Chanmari West:21<sup>st</sup> April: Mizoram Board of School Education (MBSE) chuan Ni 19.4.2013 (Zirtawp) khan HSLC 2013 result a tichhuak a, Mizoram pumah zirlai exam bei mi 16,144 zinga mi 9,466-in an pass, chu chu 58.63% a ni. A pumpuiaah Lalfakzuala s/o Malsawmthanga, St Paul's HSS chuan mark 457 hmuin, subject zawng zawngah letter mark hmu vekin pakhatna a ni.

2013-a HSLC beitu mipa 7960-ah 4789-in an pass a, hmeichhia 8,184-ah 4,677-in an pass bawk. Pass-te zinga 9,463 chu regular student an ni a, 905-te chu private candidate an ni. Zirlai fail mipa 3,017 leh hmeichhia 3,333 an awm. Compartmental chance nei mipa 154 leh hmeichhia 174 an awm bawk. Sikul 81-a zirlaite an pass vek laiin Sikul 18 aţang chuan pass an awm miah lo thung.

Chanmari West veng chhungah HSLC candidate nei sikul pathum awmin, heng sikul pathum aţang hian zirlai 68-in an exam a, heng zinga hmeichhia 26 leh mipa 33, an vaiin mi 59-in an pass a, mipa 2 leh hmeichhia 7, an vaiin zirlai 9-in an fail thung. Veng chhunga sikul pathum aţanga exam zingah Judith

Hmingthansangi, Springdale School chuan Distinction-ah pass-in Mizo leh Science subject-ah te Letter mark a hmu a, Mark 395 hmuin a ti tha ber. Veng chhunga sikul pathumte dinhmun chu hetiang hi a ni.

### Springdale School

Candidate - 12, Pass - 12, Pass %-100%, Distinction-1, I Div-1, II Div-4, III Div-6

### Chanmari West high School

Candidate - 15, Pass - 7, Pass %-46.6%, Dist- Nil, I Div-1, IIDiv-1, IIIDiv-5

### New Horizon School of Education

Candidate - 41, Pass - 40, Pass %-97.5%, Dist.-Nil I Div-4, IIDiv-17, IIIDiv-19

## YMA DAY PUALIN THISEN PE DAWN

Chanmari West Branch YMA -in Action Plan-a a lo dah tawh angin June ni 15 YMA Day lo thleng tur denchenin June ni 8 hian Aizawl Civil Hospital tan Thisen pek runpui neih a ni dawn a, Chanmari West Branch YMA member-te tun aţanga lo inring lawk tura hriattir kan ni e.

## LOCAL COUNCIL

Ni 13.4.2013 (Inrinni) khan kawra bawlhhlawh awmte thenfai hnatlang leh kawra bawlhhlawh paihna hmunte pinphui hnatlang neih a ni. Runthlak hnatlanga thawk chhuak zawng zawngte chungah Local Council chuan lawmthu a sawi. Veng chhung kawrte thenfai a lo ni ta a, kawra bawlhhlawh paih tawh lo turin chhungtinte ngen leh hriattir an ni. Kawra bawlhhlawh paih an awm chuan Dan anga Action lak a ni tawh ang.

Ward No.VI Councillor Pi Zamanthangi leh Local Council-te hmalaknain P.H.E Department-ah Zuangtuikhur sir kawr pathumte siamna tur Work Proposal thehluh chu tunah hian hma la tan tura peihfel a lo ni ta a, P.H.E. Department chungah lawmthu an sawi. Hnathawktute (contractor)-te veng chhung tana ro tling ngei tura tha a thawk turin Local Council chuan a beisei flat a ni. Tin, tunah hian thlanmualah tui connection lak theih tura T-Cluster siam mek a ni bawk.

## Branch News

Chanmari West Local Council ten information mike thuum thatna turin ₹ 2000/- Branch YMA ah an rawn pe a, Branch YMA in Local Council chungah lawmthu a sawi.

Ni 14.4.2013 Pathianni tlai khan Local Council leh Branch OB ten Thlanmual ram chin thlirho a ni.

Ni 19.4.2013 Zirtawpnia ATI buatsaih 'One Day Training Programme on General Awareness about Consumer Affairs' ATI Conference Hall New Secretariat Complex, Khatla a neihah Branch aiawhin Branch Executive Member Pu VL Thakima leh Pu Vanlalvuana te an tel.

Branch Executive Member Pu C Zonunsanga te chhung chu Pi Khelziki in atangin a nute in hnuaiah an insawn.

Ni 23.4.2013 (Thawhle) zana Executive meeting koh tum a ni.

### Pem

Heng mite hi kan veng chhung aţangin an pem: Pu KLalzuithanga te chhung member pa 6, Pu C Lalthazuala in N-Sect. aţangin Durtlangah.

### KEIMAHNI

Veng chhunga HSLC pass tharte kan lawmpui hle.

Joint Editor-Pu Chda leh News Editor Pu Chma te rokhawlhna avangin an rawn tel thei lo, kan kim lo khawp mai.

Tv Zaita a rawn tel thei, kan va han lawm leh pek em!

Thu ziak uar deuh deuh turin veng mipuite kan sawm e.

YMA AW hmasawna tura thawhpui turin veng mite kan sawm nawn leh e.



### TUNKARCHANGVAWN

Tin, mel khat kala phut luitu apiang che hnenah chuan mel hnih kal rawh. Mat 5:41

### Editorial Board

<b>Editor:</b>	R. Lalrinnggheta	9862358337
<b>Joint Editor :</b>	Lalchhandama	9862358347
	J.Lalnangliana	9862399658
<b>News Editor :</b>	Thangkhuma	9862303135
	Lalchhuanmawia	9862580558
	K. Lalremtluanga	9862119608
<b>Cir.Manager :</b>	Jacob Lalrinsanga	9612319779
<b>Production Manager :</b>	T. Ngurkhuma	9436190843

### Branch Office Bearer

<b>President</b>	<u>C. Lalzarliana</u>	9436142049
<b>Vice President</b>	T. Ngurkhuma	9436190843
<b>Secretary</b>	Zairemmawia	9862385654
<b>Asst. Secretary</b>	RL. Thanhnuna	9436152760
<b>Treasurer</b>	R. Lalmachhuana	9436151817
<b>Fin.Secretary</b>	K. Darthantluanga	9436196071
<b>Adviser-te :</b>	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

### Article

## VANAPA LEH TUNLAI ZORAM

Mangheta Ralte

Vanapa hi mi tlawmngai tawpkhawk, tunlai mite'na kan hriatthiam dan ber tur zawngin "YMA-a hnim phum leh chhum hmin zan" a ni ber mai. A nunah hian YMA member-te hian entawn tur kan ngah hle awm e. Vanapa hi Kristian, mi piangthar a nih kan hre lo, mahse Isua Krista ringtute'na kan tihtur awm tak tak ti thin mi a ni tlat mai. Kristian-nain Mizoram a lo thlen hma leh YMA din a nih hma hauhva Kristian nundan tha ngaisang a, zawm mi leh mi dangte tana malsawmna nih tum tlat mi a ni. Tunlai mite'na Vanapa kan entawwna tur kawng hrang hrangte i lo thlir ho teh ang:

### Editorial :

A hun chhung a rei lem lo bawk a, Matric result lam i hawi mai te'ng. Kan tu leh fate zingah emaw, thenawm khawvengah emaw result nei kan awm lem loh chuan kan ngaihven lem lo mai thei a, mahse zirna kailawn pakhat a nih miau avangin Zoram pum a deng chhuak zel si chu a nih hi.

Pawl sawm (matric) han pass chiah hian ngaihtuahna a dang thut duh khawp mai. Ropui ve ta riaua inngaihna te, thiam sang ta luaa inngaihna te neih mai a awl. A ropui lutuk, mahse zirna kailawn hmasa chauh a ni tih pass tharte'n kan hriat a tha.

Tin, matric pass zawha kan zir chhonzawm tur leh zirna hmun tur thlan thiam hian dam chhunga kan nihna tur thui takin a hril. Kan tui zawng ni miah lo, chhungte leh thianten a tha alawm an tih vang maia zir ve ngawt hian beidawwna ruamah mi a hnuak lut fo.

Nu leh pate pawhin kan fate kawng tur kan kawhmuh thiam a tul. Mi hlawhtlinna chauh kan awm avanga kan fate kan nawr luih chiam hian hlawhchhamna zawkah a hruai lut thei tih hria a, kan fate tuiipui zawng leh an rilru sukthlek kan hriat a ngai khawp mai.

Zirnaah inelna a sang tual tual a, kan kawng zawh tur uluk taka thlan a tul hle mai. Mi thiam zawkte leh lo zir hmasa zawkte pawh hetiang hunah hian rawn nachang hriat a fuh khawp ang.

Pass thar zawng zawngte kan khawtlang tana in thiamnate hmang tangkai thei tur khawpa hlawhtling turin duhsakna sang ber kan hlan a che u.

a) Ei zawwna kawngah: Ei leh bar zawwna kawngah thiamhnang deh lam hi a tuina leh thiam zawng a ni a. A hna a ulukin a tui em em a, a hnathawhah a rilru a pe a, a hlawhtling viau reng a ni. Thil ti mai mai ngai lo mi, tih tawh chuan theitawp chhuah mi a nihna hi entawn a tha khawp mai. Eng hna pawh thawk ila, Vanapa ang hian hlawhtling ngei tura kan rilru zawng zawng kan hnathawhah kan pek a pawimawh khawp mai. Mi dangte pur buai lova, mahni intodelh tum tlat mi a nihna hi a entawntlak hle a ni.

b) A nungchangah: Vanapa nuna entawn tur pawimawh tak pakhat chu a mizia a thlak danglam thei hi a ni. A thinchhiat lutuk avanga nupui pawh hmu zo lo, kum 40 thleng rawka "Tiangval Damrei" an tih a ni a. Mahse tun hun thlenga a chanchin kan sawi tam ber chu a zaidamna hi a ni ta zawk a ni. Thinchhiat lama vantlang khum, Vanapa pawhin zaidam lamah vantlang a khum leh theih chuan keini paw'n kan nungchang tha lo laite hi kan siam tha ve thei dawn lawm ni? Vanapa hian khawi University atang mahin zaidam a zir chhuah kan hre lo, mahse zaidam lamah chuan Doctorate Degree pek hial phu a nih si hi. Chuvangin mahni nungchang tha lolai siam tha tur hian mi dang pan chi a ni ngai lo, mahni tawka, zir chhuah mai chi a ni e.

c) Mi hawihhawm a ni: "Sem sem dam dam, ei bil thi thi" tih thupuiin Zoram khawvela ro a rellai pawha mi hawihhawm lawrlak, ei leh in thua mi dangte kian thei reng mai Vanapa hi lo tho leh ta se engtin min ngai ang maw? "Ani'n chang se, kei chuan nei ve lo mai ila" ti thintu Vanapa nun leh tunlai Zoram khawvela Gas semna leh tui kang nghahna hmun boruak inthlahu tawhzia hi chu sawi fiah thiam chi pawh a ni lo hial awm e.

d) Hruaitu ropui a ni: Hruaitu fing, rorel thiam, mi dangte tana nun pe mi, Vanapa ang hi kan tunlai Zoram hian a mamawh a ni. Hna hniam ber atanga a sang ber thawktute hian Vanapa nun hi entawn in zir ta ila, vawi tam tak "Siam thar lehna Gospel Camping" kan siam ai hian kan hlawk zawk mai lo maw? Eirukna leh hlemhletna kawngah Kohhran hruaitute pawh an bang chuang lo. Lang leh mai tur pawh ei ru duhtute hian, Theipui hmin pakhat, mahni chauhin lo ei pawh nise tuma'n thiam loh an chantir miah loh tur Vanapa nun hi ngaihsan a, entawn nachang i hria ang u.

"Nangmah i inhmangaih angin i vengte i hmangaih tur a ni" (Gal 5:14) tih thu hi "Kan buk rawn luaa leh turte'n an mamawh ang e" tia tui leh thing chhek khawlsa diama buk kalsan thin Vanapa nunah hian ava han lang chhuak chiang tehlu em! Lo neih nikhuaa "Hmeithai leh chhumchhe zawkte'n a hnai hnaiah nei sela, Lal leh Upate'n a lai lumah, kei chuan a vausa ber, ral dovah ka nei ang" ti thintu Vanapa nunah hian zir tur leh entawn tur kan ngah hle mai.

### Nang leh Kei hi

Vanapa hunlai angin tlawmngaih han chhuahna tur, hmalakna kawng a tlein khawsak phung a dang ta em alawm, kan ti a nih pawhin a dik ve reng. Mahse, tunlai huna tlawmngaih kan chhuah theihna hun leh hmun tlemteah pawh hian "Tlawmngai ta lo hian kan tlawm" ta zawk chu a nih si hi!

"Aw Zonunmawi chul tur par ang lo vul leh nan, Nang leh kei hi kan pawimawh ber si a; Mizo nih mai hi a taw lo, i ram hmangaih mai a taw lo,

I nunah Zonunmawi inlar chhuak ngei rawh se" tiin Vanapa hian thangtharte hi min au asin. Engtin nge kan chhan ve dawn le?

**Chawngbawla Section**

□ Dt.16.04.13 (Thawhle) zan khan Pu Rosangpuia inah meeting vawi 4 na a thu a, thu pawimawh tak tak rel a ni.

□ Dt.04.05.13 (Inrinni) khian Govt. High School Field-ah Section Sports tur a ni a, YMA Memberte leh YMA Chhang memberte lo inpuahchah turin an inhriattir.

□ An bungraw In (Chawngbawla Run) ah an bungruate a len tawh meuh loh avangin extend tuma hmalak mek a ni a, hemi atan hian section sumin a daih thei dawnin a lang si lova, section chung nu leh pate hnenah phal ang tawk vehbur khawn tuma hmalak mek a ni, section nu leh pate an in hriattir hmasa a ni e.

□ Inrinni zingkar khan YMA Chhangte Faina hnatlang neihpui a ni.

□ An Committee member Pu B. Lalrawngbawla chu Kolkata-ah a mit-a lungte awm vangin zai turin an thang mek a, dam taka a lo haw an duhsak.

□ Vawiin Pathianni chawhnu inkhawm ban (3:00PM) hian Section chung a Hnamdang awmte Chhiatni Fund a huhoa khawn tur a ni a, Committee memberte Pu Lalruatsanga Leader inah inngah khawm tur a ni.

□ An member Zochhuanmawia chuan Dt.19.4.13 khan kawppui duhawm tak a nei thar a, an lawmpui hle.

□ Dt.24.04.13 (Nilaini) hian Section thutthleng chhinchiahna siama hnatlan tur a ni a, Pu Kima workshop-ah member te thawkhhuak turin an inngan.

□ HSLC pass thar te an lawmpui hle, Section chung a pass thar kan hriatte, chhuah hmai a awm chuan section hruaitute te hnenah inhriattir nise.

**Khuangchera Section**

□ Ni 16.4.2013 (Thawhle) zan khan YMA RUN ah meeting an nei a, thu pawimawh tak tak an rel.

□ Ni 19.4.2013 (Zirtawp) zingkar leh zanah khan YMA RUN thuan thain hruaitu hnatlang an nei a, hnatlanga thawkhhuak te chungah lawmthu an sawi a. Hun remchang hmasa berah Member hnatlang koh tum a ni a, Member te hunawl lo insiam turin an inchah lawk a ni.

□ YMA AW man khawn chhonzawm mek a ni a, YMA AW man la pe lote'n ngai pawimawha lo pe theuh turin an inngan.

**Taitesena Section**

□ Member tlawh chhuah Programme hman mek a ni a, Bial 1-na tlawhchhuah tawh a ni a, Member tlawhchhuah hi hman chhonzawm tum a ni.

□ Chhiatni Fund / YMA AW man la tifel lo ten ngai pawimawha, a rang lama tifel turin an inngan.

□ An Secretary Tv.Lalbiaksanga zin pawh damtakin a lo haw.

□ Section huamchung a HSLC Pass thar zawng zawngte an lawmpui tak meuh a ni. Pass thar ten hruaitute hnenah inhriattir turin an inngan.

□ Member ten chiatni / Thatni, hnatlang leh activities hrang hrang ngai pawimawh turin an inchah.

**Vanapa Section**

□ Tunkar hun remchangah committee koh tum a ni.

□ An member Pu Stephen Vanlalhruaia chuan Bank-ah Clerk hna a hmu thar a, an lawmpui hle.

□ Chhungtinte mahni in leh a vel vawngfai turin an inchah.

□ Ui vulh tute mi dang tana harsatna siam lo tur zawng mahni ranvulh khuahkhiri turin an ngen.

□ Veng chung a lo awmtharte Pem Lehkha nei lova awm phal a ni lova, in neitute'n pem lehkhah fimkhur leh zual turin an inchah.

□ HSLC pass thar te an lawmpui hle. Chhuah hmai hpalh a awm chuan hruaitute hnenah hriattir nise a lawmawm ngawt ang.

**Neuva Section**

□ Ni 24.4.2013 (Nilai) hian motor sila hnatlang neih tur a ni a, member zawng zawngte hnatlang vek turin an ngen. Section chung a motor (2-wheeler leh 4-wheeler) nei zawng zawngte'n motor siltir turin an ngen. Motor sil man chu hetiang hi a ni ang: 2-wheeler - ₹ 50 leh 4-wheeler - ₹ 100

□ An hruaitu Pu Ricky Lallawmkima chuan fapa thar duhawm tak mai a nei a, an lawmpui hle.

□ Hun remchang hmasa berah YMA Chhang hnatlang neih tum a ni.

**Awm thar**

1.NI Lily Parmawii te unau 3, Lengpui atangin Pu Lalremruata in N-Sect-ah.

2.Pu Dengchungnunga te chung member 2, Ramhlun Venglai atangin Pu C.Lalrinliana (L) in N-Sect.ah

3.Pu Lalhlunthanga, Laipuitlang atangin Pu Thangkhuma in N-Sect.ah.

4.Pu Francis Sunil Baruah te chung member 8, Pu Lalngheingpuia in N-Sect.ah.

5.Pu V.Lalnehkima te chung member 2, Govt.Complex atangin Pi Khelziki in T-Sect. ah.

6.Pu Lalnunmawia te chung member 5, Mission Veng North atangin anmahni in T-Sect. Pu R.Thanga kawmchhakah.

7.Lt.Col.Khaizadanga te chung member 4, Tuikual South atangin Pu Malsawmkima Pachuau (L) in T-Sect.ah.

8.Pu PK Thanga te chung member 5, Electric veng atangin Pu VL.Chhunga in T-sect-ah .

9. Pu Ropuingaia te chung member 5, Ramhlun N atangin Pu H Lalthlamuana in T-Sect ah

10. Pi Lalropui te chung, member 2, Edenthah atangin Pu Rochharliana in, CH-sect ah

**LUNGLU ROAD**

Lunghlu Road Welfare Committee chu ZNP Head Quarter thalai chuan Lunghlu Road hmalakna chhonzawmna atan an work Order ₹2,20,000 man chu min hlan a, an chungah lawmthu an sawi tak meuh a ni. Hetiang kan hmalakna min hlutpuitu Party dangte leh mimal te pawh an la awm a, Lunghlu Road Welfare khawtlang theihna atan hian malsawmtu rawn ni zel turin kan sawm nghal a che u.

**CWSC**

□ Vawiin chawhnu inkhawm ban (dar 3:00 pm) hian NI. Vanlalmanpui te in (V-Sec)-ah Volleyball Managing Board Meeting neih tur a ni.

□ NIS, Patiala-ah Short Term Training May 17 - Jun 26 chung training a awm dawn a. Volleyball lama tui, training-a kal duh chu Ni 24.4.2013 hmian hruaitute hnenah inhriattir tur a ni.

□ Ni 23.4.2013 (Thawhle) zan hian TT Hall-ah Executive Meeting neih tum a ni.

## HSLC Pass tharte

1. Lalnunziri	d/o Lalrawngbawla Ralte	- D(L in M,Sc,Mz)
2. H Lalmalsawma	s/o Kapzama	- I (L in Mz)
3. C Lalnuntluanga	s/o C Lalsanglura	- II
4. CLalduhsaka	s/o C Vanlalmuanpuia	- II
5. Samuel Malsawmtluanga	s/o Lalramliana	- III
6. Zonunsangi	d/o K Darhmingthanga	- III
7. K Lalthianghlima	s/o K Lalsangzela	- III
8. Vanlalngheti	d/o Lalchhuanmawia	- II
9. Ramdingliani	d/o Lawmkunga	- II
10. Lalmuanthanga	s/o Thangchhuana	- II
11. Malsawmtluangi	d/o Romawia	- II
12. J.Lalrinhlui	d/o Lallawmpuia	- I
13. Lalrindiki	d/o H Laldawngliana	- III
14. Lucy Lalrinhlui	d/o HR Lalrindika	- II
15. Teressa Lalhlimpuii	d/o Malsawmhlua	- III
16. T.C.Lalnunhlui	d/o Lalthazuala(L)	- II
17. Ronald Lalrinchhana	s/o K Lalramliana	- III
18. Lalruatkimi	s/o Laldinthara	- II
19. Lalhunchhungi	d/o Zaithangpuii Vuangtu	- I (L in Mz)
20. Laltlanzova	s/o Lalrintluanga Zote	- III

1. C Laltlanhlui	d/o C Lalrinzuala	- II
2. Malsawmkimi	d/o R Lalremsiama	- II
3. Lalramdinthara	s/o C Lalmuana	- III
4. Lalngaihsaka	s/o H Lalrammawia	- III
5. Jimmy Ramdinmawia	s/o Lalramhluna Hauhnar	- II
6. R Lalrindika	s/o R Lalrammawia	- III
7. David lalvenhima	s/o ZD Zohmingthanga	- III
8. Eric Zomuanpuia	s/o R Lalbiakdiki	- II
9. Hmangaihzuala	s/o C Lalsangzuala	- III
10. Lalkroshlua	s/o J Lalrova	- II

1. R Vanlalpeka	s/o R Lalsiamkima	- II
2. Malsawmzuala	s/o Lalbiakzuala	- II
3. Dorothy Lalhmingmawii	d/o C Lalmalsawma	- II
4. Nicky Lalrinawma	s/o Zothansanga Tochhawng	- III
5. H Lalnuntluangi	d/o H Vanlalruata	- III

1. Krostlingzova	s/o Lalrinchhana	13. Lalawmpuii Ralte d/o Lalthangmawii
2. Zothanzuali	d/o HV Lalthavela	14. Lalfakzuali d/o Vanlaltanpuia
3. Lalrinpuia	s/o V Lalthanliana	15. Baby R lalruatfeli d/o R Lalremliana
4. Zodinsanga	s/o Lalsangkima (L)	16. Lallawmzuali d/o Laldawngliana
5. Lallenpuia	s/o Lalthavunga	17. Hmingthanpuii d/o Vanlalruata
6. Lalremruata	s/o Lalthlamuana	
7. Lalrempuia	s/o Lalthlamuana	1. Vanlalhruaizela s/o Lalparmawii
8. Lalruatmawii	d/o Lalchawimawii	2. R Malsawmtluangi d/o R Lalsangzuala
9. Lallawmkimi	d/o VL Huma	3. Brandon Lalruatfela s/o KH Lalthianghlima
10. Vanlalngbaka	s/o Lalmalsawma	4. VL Hruaizeli d/o PC Lalringliana
11. Remsangzuala	s/o Lalrimtuia	5. Laldikpuii d/o Zonunsangi
12. Lalrinawmi	d/o Lalchhandami	

6. R Lalhminghlui d/o RL Thanhnuna
7. Lalhruaikima
8. Sangnghilhlova
9. Joseph Lalduhawma
10. Lalrempuii d/o Lalvuana

**Silver Jubilee Sub-Committee**

Tunkar hun remchangah Silver Jubilee Sub-Committee meeting tum

## PUANTHUI THIAM

Hmeichhe thawmhnaw thui thiam, dawra inhlawh tur duh a ni e. hrechiang duh tan a hnuai a mi hnenah hian zawhfiah theih a ni e.

VL Chhanhimi

☎ 8974771980

Chanmari West Kawipui

## KLSTORE

## STEELALMIRAHZAWRHNA

Vaivakawn Hunthar peng (Opp. Holly Family Church) ah leh Vaivakawn Zotlang peng bulah lei tur kan nei reng e, inah kan dahsak thei baw k e.

☎ 9856519679 Zohmingthangi

☎ 96122617574 W/O

K.Lalengmawia (L)

Chanmari West. (2-1)



Ran chaw chi hrang hrang Company lha, Vawk leh Ar chaw, a te a langa a lian, a tuilai thlengin kan nei e. A mamawh tan dawr theih kan ni e.

ROZO FEEDS

Kawngkawipui, Pu Lalbiakthanga Building

+ 2341708, \_ 9774954992

MAMA SHOE STORE  
Pheikhawk chi hrang hrang, Sneaker leh Smart Shoe duhthlan tur a rawn thleng thar leh ta.

thin

dawn nia.

Contact- Vanromawia (Mawitea)

T-Sect Ph.no- 9862957982

Millenium Centre

D-73 (3rd Floor) (2-2)

**THU ZIAK DUK DAK LO****HMUH TUR TAM**

YMA Park leh leh vengchhung hmun langsar langlaiah thuziak duk daklo Setanic rawngkai hmuh tur a awm nual maia, hetiang tih ching te sim tur ngen in ni e.

**IN LUAH TUR DUH**

In ruak \$ 1500 - \$ 3000 man vel luah tur kan mamawh a, a nei chuan min lo be teh u.

Vanromawia

T-Section, \_ 9862957982 (2-2)